

小續養

正小

兒

類兒

語語編



15305

212
1

小

兒

語

呂得勝
纂

中
華
書
局

叢書集成初編

小兒語（及其他二種）

中華書局出版發行

（北京王府井大街三十六號）

秦皇島市資料印刷廠印刷
一九八五年北京新一版

開本：七八七乘一〇九二毫米三十二分之一
統一書號：一七〇一八·一五一

小兒語

明呂得勝纂

得勝，號近溪，河南寧陵人，明刑部侍郎呂坤之父。

兒之有知而能言也，皆有歌謠以遂其樂。羣相習，代相傳，不知作者所自。如梁宋間，盤却盤東，屋點燈西，屋明之類，學焉而與童子無補。余每笑之。夫蒙以養正，有知識時，便是養正時也。是俚語者，固無害。胡爲乎習哉？余不愧淺末，乃以立身要務，諧之音聲，如其鄙俚，使童子樂聞而易曉焉。名曰小兒語，是諷呼戲笑之間，莫非義理，身心之學。一兒習之，可爲諸兒流布。童時習之，可爲終身體認。庶幾有小補云。縱無補也，視所謂盤腳盤者，不猶愈乎？沙隨近溪漁隱書。

臨桂陳宏謀案：滄浪之歌，孺子歌耳。孔子歎爲自取，且呼小子聽之。當是時，不復計其歌之出自孺子也。近溪先生思所以語小兒，而因自爲小兒語。若規若刺，若諷若嘲，衝口而出，自然成音。小兒聞之，果小兒語也。嗟乎！兒固有不知兒時，兒時熟之復之，不知兒時，思之味之，雖欲終視爲小兒語，不可得已。或曰：言之毋乃不文。夫以小兒語語小兒，亦焉用文爲哉？

四言

一切言動，都要安詳。十差九錯，只爲慌張。沉靜立身，從容說話。不要輕薄，惹人笑罵。先學耐煩，快休

使氣性躁心粗。一生不濟。能有幾句。見人胡講。洪鐘無聲。滿瓶不響。鐘雖大。不撞不鳴。半瓶水。多有聲。自家過失。不消遮掩。遮掩不得。又添一短。又多了飾非之短。無心之失。說開罷手。一差半錯。那箇沒有。寧好忍錯。休要說謊。教人識破。誰肯作養。要成好人。須尋好友。引音母也酵音母也酒。若酸。那得甜酒。與人講話。看人面色。意不相投。不須強說。察言而觀色。當面證人。惹禍最大。是與不是。儘他說罷。造言起事。誰不怕你。也要隄防。王法天理。天理。不怕惡人。我打人還。自打幾下。即是自打。我罵人還。換口自罵。既做生人。便有生理。箇箇安閒。誰養活你。世間生藝。要會一件。有時貧窮。救你患難。飽食足衣。亂說閒耍。終日昏昏。不如牛馬。牛耕犁。馬騎坐。此人要他何用。擔頭車尾。窮漢營生。日求升合。休與相爭。兄弟分家。含糊相讓。讓要讓箇明白。子孫爭家。厮打告狀。讓得不明。亦是爭端。強取巧圖。只嫌不穀。橫來之物。要你承受。非理所得。豈能常保。

六言

兒小任情驕慣。大來負了親心。費盡千辛萬苦。分明養箇饑人。世間第一好事。莫如救難憐貧。人若不遭天禍。舍施能費幾文。乞兒口乾力盡。終日不得一錢。敗子羹肉滿桌。喫著只恨不甜。富家一席酒。貧漢一年糧。不可不知。蜂蟻也害饑寒。螻蟻都知疼痛。誰不怕死求活。休要殺人害命。自家認了不是。人可不好說你。自家倒在地下。人再不好跌你。氣惱他家富貴。暢快人有灾殃。一些不由自己。可惜壞了心腸。人各有命。嫉妬何益。

雜言

老子終日浮水。兒子做了溺鬼。老子偷瓜盜果。兒子殺人放火。言爲父者不可開爲惡之端。休著君子下看。俗人下看何妨。休

教婦人鄙賤。乞嚙之類是也。人生喪家亡身。言語占了八分。惟口可恨。耳目次之。任你心術奸險。哄瞞不過天眼。使

他不辨不難。勢服也。要他心上無言。理服也。人言未必皆真。聽言只聽三分。還要虛心審察。不可聽說便行。休與小人爲

難。小人自有對頭。我且忍他。幹事休傷天理。防備兒孫辱你。遠在兒孫近在身。你看人家婦女。眼裏偏好。人家看

你婦女。你心偏惱。凡事要將心比心。惡名兒難揭。好字兒難得。大嚼多噎。大走多蹶。凡事小心謹慎。爲人若肯學好。

差甚擔柴賣草。顏曾思憲。賢賤無比。爲人若不學好。跨甚尙書閣老。慌忙到不得濟。安祥走在頭地。話多不如

話少。語少不如語好。果不當理。一句也是多的。小辱不肯放下。惹起大辱倒罷。此受氣不過者之通病。若大辱不能。必至家敗身亡。天來大功。

莫大的。禁不得一句自稱。縱使人稱。還要謙讓。纔免嫉妬。海那深罪。莫大的。禁不得雙膝下跪。一爭兩醜。一讓兩

有。虞芮之閒田。亡父之白金。

